

# **UNDANG-UNDANG MALAYSIA**

**Akta 507**

## **AKTA RUMAH PENYEMBELIHAN (PENSWASTAAN) 1993**

*(Mengandungi segala pindaan sehingga 28 februari 2002)*

Tarikh Persetujuan Diraja ... .. 8hb September 1993

Tarikh diterbitkan dalam  
Warta ... .. 16hb September 1993

# **UNDANG-UNDANG MALAYSIA**

## **Akta 507**

### **AKTA RUMAH PENYEMBELIHAN (PENSWASTAAN) 1993**

---

#### **SUSUNAN SEKSYEN**

---

##### **BAHAGIAN I - PERMULAAN**

- Seksyen 1. Tajuk ringkas, pemakaian dan mula berkuatkuasa
- Seksyen 2. Tafsiran

##### **BAHAGIAN II - LESEN UNTUK MENGENDALIKAN RUMAH PENYEMBELIHAN, PENGGANTUNGAN DAN PEMBATALAN LESEN**

- Seksyen 3. Kuasa Menteri untuk memberi lesen untuk mengendalikan rumah penyembelihan
- Seksyen 4. Penggantungan atau pembatalan lesen atas pelanggaran syarat lesen
- Seksyen 5. Penggantungan atau pembatalan lesen atas pelanggaran Akta atau kaedah-kaedah

##### **BAHAGIAN III - TUGAS-TUGAS PENGENDALI BERLESEN**

- Seksyen 6. Tugas-tugas am pengendali berlesen
- Seksyen 7. Pengemukakan laporan-laporan, akaun-akaun, maklumat statistik, dll.

##### **BAHAGIAN IV - CAJ DAN FEE**

- Seksyen 8. Kuasa pengendali berlesen untuk memungut caj dan fee
- Seksyen 9. Pengemukakan memorandum bagi perubahan pada caj dan fee yang sedia ada
- Seksyen 10. Menteri hendaklah membuat pindaan kepada kaedah-kaedah berkenaan dengan perubahan pada caj dan fee

##### **BAHAGIAN V - KAEDAH-KAEDAH, PENALTI AM, KESALAHAN OLEH PERTUBUHAN PERBADANAN DAN PENJALANAN PENDAKWAAN**

- Seksyen 11. Kaedah-kaedah
- Seksyen 12. Penalti am
- Seksyen 13. Kesalahan dilakukan oleh pertubuhan perbadanan.
- Seksyen 14. Penjalanan pendakwaan

## **BAHAGIAN VI - PELBAGAI**

Seksyen 15. Kuasa-kuasa, fungsi-fungsi dan tugas-tugas Ketua Pengarah

Seksyen 16. Kuasa pemeriksaan Ketua Pengarah

Seksyen 17. Kuasa-kuasa khas semasa darurat. 18. Penyampaian notis

Seksyen 19. Pengesahan

Seksyen 20. Orang-orang yang disifatkan sebagai pemegang-pemegang lesen

JADUAL

# UNDANG-UNDANG MALAYSIA

## *Akta 507*

### **AKTA RUMAH PENYEMBELIHAN (PENSWASTAAN) 1993**

Suatu Akta bagi memudahkan penswastaaan rumah-rumah penyembelihan dan bagi perkara-perkara yang berkaitan dengannya.

[15 / 12 / 1993]  
P.U. (B) 595/93

MAKA INILAH DIPERBUAT UNDANG-UNDANG oleh Duli Yang Maha Mulia Seri Paduka Baginda Yang di-Pertuan Agong dengan nasihat dan persetujuan Dewan Negara dan Dewan Rakyat yang bersidang dalam Parlimen, dan dengan kuasa daripadanya, seperti berikut:

#### **BAHAGIAN I - PERMULAAN**

##### **Section 1. Tajuk ringkas, pemakaian dan mula berkuatkuasa**

- (1) Akta ini bolehlah dinamakan **Akta Rumah Penyembelihan (Penswastaaan) 1993** dan hendaklah mula berkuatkuasa pada tarikh yang ditetapkan oleh Menteri melalui pemberitahuan dalam Warta.
- (2) Akta ini hendaklah terpakai bagi seluruh Malaysia.

##### **Section 2. Tafsiran**

Dalam Akta ini, melainkan jika konteksnya menghendaki makna yang lain-

"Ketua Pengarah" ertinya Ketua Pengarah Perkhidmatan Haiwan yang dilantik di bawah seksyen 3 Ordinan Haiwan 1953 dan termasuklah Timbalan Ketua Pengarah yang dilantik di bawah seksyen yang sama; [*Ord. 17/53.*]

"lesen" ertinya lesen yang dikeluarkan di bawah Bahagian II;

"Menteri" ertinya Menteri yang dipertanggungjawabkan dengan tanggungjawab bagi kawalan rumah penyembelihan;

"pengendali berlesen" ertinya mana-mana orang atau kumpulan orang yang dilesenkan di bawah Bahagian II untuk mengendalikan rumah penyembelihan;

"rumah penyembelihan" ertinya mana-mana tempat, dengan kemudahan-kemudahan yang sepatutnya untuk pemeriksaan daging, bagi menyembelih haiwan yang ditentukan dalam Jadual;

"untuk mengendalikan" ertinya untuk membina atau untuk menguruskan rumah penyembelihan atau untuk mengadakan perkhidmatan-perkhidmatan rumah penyembelihan.

## **BAHAGIAN II - LESEN UNTUK MENGENDALIKAN RUMAH PENYEMBELIHAN, PENGGANTUNGAN DAN PEMBATALAN LESEN**

### **Section 3. Kuasa Menteri untuk memberi lesen untuk mengendalikan rumah penyembelihan**

(1) Menteri boleh memberi lesen kepada mana-mana orang atau kumpulan orang yang tender atau cadangannya untuk mengendalikan rumah penyembelihan telahpun disetujuterima oleh Kerajaan.

(2) Tanpa menjejaskan keluasan subseksyen (1), tiap-tiap lesen yang dikeluarkan di bawah seksyen ini hendaklah menyatakan

- (a) tempoh lesen itu;
- (b) fee lesen tahunan yang kena dibayar oleh pemegang lesen;
- (c) tugas-tugas tertentu pemegang lesen berkenaan dengan perkhidmatan-perkhidmatan yang akan diadakan olehnya; dan
- (d) apa-apa perkara atau syarat lain sebagaimana yang difikirkan patut oleh Menteri.

(3) Pengeluaran sesuatu lesen kepada mana-mana orang atau kumpulan orang di bawah subseksyen (1) hendaklah tidak mengenakan apa-apa liabiliti ke atas Kerajaan Malaysia bagi apa-apa kerugian atau kerosakan yang disebabkan oleh apa-apa perbuatan, peninggalan atau keingkaran orang atau kumpulan orang itu.

### **Section 4. Kuasa Menteri untuk memberi lesen untuk mengendalikan rumah penyembelihan**

(1) Jika Ketua Pengarah berpuas hati bahawa Pengseorang pengendali berlesen sedang melanggar, atau gantungan atau telah melanggar dan berkemungkinan melanggar lagi, pembatalan mana-mana syarat lesennya, Ketua Pengarah boleh lesen atas pelanggaran memberi notis secara bertulis kepada pengendali syarat lesen. berlesen itu menghendakinya mematuhi syarat itu dalam tempoh yang ditetapkan dalam notis.

(2) Jika, apabila tamatnya tempoh yang ditetapkan dalam notis itu, pengendali berlesen itu gagal mematuhi syarat yang disebutkan dalamnya, Ketua Pengarah hendaklah mengemukakan kepada Menteri suatu laporan mengenai kegagalan oleh pengendali berlesen itu dan laporan itu hendaklah dalam bentuk yang difikirkan sesuai oleh Ketua Pengarah.

(3) Jika, selepas menimbang laporan daripada Ketua Pengarah, Menteri berpuas hati bahawa pelanggaran-pelanggaran itu, atau pelanggaran-pelanggaran yang dibimbangkan itu, bersifat serius atau telah menjejaskan atau berkemungkinan menjejaskan kepentingan atau keselamatan awam, dan pengendali berlesen itu telah enggan untuk mengambil atau belum mengambil kesemua langkah yang didapati oleh Menteri adalah perlu bagi maksud memastikan pematuhan syarat yang berkenaan, Menteri boleh memberi notis kepada pengendali berlesen itu yang menyatakan bahawa dia bercadang untuk menggantungkan atau membatalkan, mengikut mana-mana yang berkenaan, lesen pengendali berlesen itu dan notis sedemikian hendaklah juga menyatakan-

- (a) syarat lesen yang telah dilanggari oleh pengendali berlesen itu dan perbuatan-perbuatan atau peninggalan-peninggalan yang menjadi pelanggaran itu; dan
- (b) tempoh (yang tidak kurang daripada tiga puluh hari dari tarikh notis itu) yang dalamnya pengendali berlesen itu boleh membuat representasi-representasi berkenaan dengan penggantungkan atau pembatalan yang dicadangkan itu, mengikut mana-mana yang berkenaan.

(4) Selepas tamatnya tempoh yang dinyatakan dalam notis itu dan setelah menimbang apa-apa representasi yang dibuat oleh pengendali berlesen itu, jika ada, Menteri hendaklah memutuskan sama ada hendak meneruskan tindakan yang dicadangkan itu atau tidak akan mengambil apa-apa tindakan lanjut.

(5) Suatu notis hendaklah diberikan oleh Menteri kepada pengendali berlesen itu mengenai keputusannya dan keputusan itu hendaklah berkuatkuasa mulai dari tarikh yang notis tersebut disampaikan kepada pengendali berlesen itu.

(6) Keputusan Menteri di bawah seksyen ini adalah terakhir dan muktamad.

## **Section 5. Penggantungkan atau pembatalan lesen atas pelanggaran Akta atau kaedahkaedah**

(1) Jika Ketua Pengarah berpuas hati bahawa seseorang pengendali berlesen telah melanggar atau telah gagal untuk mematuhi mana-mana peruntukan Akta ini atau mana-mana kaedah yang dibuat di bawahnya, dia hendaklah mengemukakan kepada Menteri suatu laporan mengenai pelanggaran atau ketakpatuhan oleh pengendali berlesen itu.

(2) Jika, setelah menimbang laporan daripada Ketua Pengarah, Menteri berpuas hati bahawa pelanggaran atau ketakpatuhan itu bersifat serius atau telah menjejaskan atau berkemungkinan menjejaskan kepentingan atau keselamatan awam, dia hendaklah memberi kepada pengendali berlesen itu suatu notis yang menyatakan bahawa dia bercadang untuk menggantungkan atau membatalkan,

mengikut manamana yang berkenaan, lesen pengendali berlesen itu dan notis itu hendaklah juga menyatakan-

- (a) peruntukan-peruntukan Akta atau kaedahkaedah yang dibuat di bawahnya yang telah dilanggari oleh pengendali berlesen itu dan perbuatan-perbuatan atau peninggalanpeninggalan yang menjadi pelanggaran itu; dan
- (b) tempoh (yang tidak kurang daripada tiga puluh hari dari tarikh notis itu) yang dalamnya pengendali berlesen itu boleh membuat representasi-representasi berkenaan dengan penggantungan atau pembatalan yang dicadangkan itu, mengikut mana-mana yang berkenaan.

(3) Selepas tamatnya tempoh yang dinyatakan dalam notis itu dan setelah menimbang apa-apa representasi yang dibuat oleh pengendali berlesen itu, jika ada, Menteri hendaklah memutuskan sama ada hendak meneruskan tindakan yang dicadangkan itu atau tidak akan mengambil apa-apa tindakan lanjut.

(4) Suatu notis hendaklah diberikan oleh Menteri kepada pengendali berlesen itu mengenai keputusannya dan keputusan itu hendaklah berkuatkuasa mulai dari tarikh yang notis tersebut disampaikan kepada pengendali berlesen itu.

(5) Keputusan Menteri di bawah seksyen ini adalah terakhir dan muktamad.

### **BAHAGIAN III - TUGAS-TUGAS PENGENDALI BERLESEN**

#### **Section 6. Tugas-tugas am pengendali berlesen**

(1) Maka adalah menjadi kewajipan seseorang pengendali berlesen untuk memastikan bahawa perkhidmatan-perkhidmatan yang diadakan olehnya memenuhi standard-standard prestasi yang ditetapkan oleh Ketua Pengarah di bawah subseksyen 15 (2).

(2) Seseorang pengendali berlesen hendaklah memberikan perhatian yang sewajarnya terhadap kecekapan, keekonomian dan keselamatan pengendalian berkenaan dengan perkhidmatan-perkhidmatan yang diadakan olehnya dan hendaklah, pada setiap masa, memastikan bahawa kendaliannya dijalankan di bawah keadaan bersih.

#### **Section 7. Pengemukaan laporan-laporan, akaun-akaun, maklumat statistik, dll.**

(1) Menteri boleh menghendaki seseorang pengendali berlesen-

- (a) mengemukakan kepada Ketua Pengarah dalam masa tiga bulan selepas berakhirnya setiap tahun kewangan atau apa-apa tempoh yang lebih panjang sebagaimana yang dibenarkan oleh Ketua Pengarah-
  - (i) suatu laporan mengenai kendaliannya dalam tahun kewangan itu yang mengandungi apa-apa maklumat yang perlu untuk membolehkan Kerajaan membuat suatu penilaian termaklum tentang kendalian itu; dan
  - (ii) kunci kira-kira dan akaun untung rugi tahunannya yang telah diaudit dan laporan-laporan juruaudit dan pengarah-pengarahnya;
- (b) mengemukakan kepada Ketua Pengarah apa-apa maklumat statistik berhubungan dengan kendaliannya sebagaimana yang dikehendaki oleh Kerajaan dari semasa ke semasa;
  - (i) ramalannya tentang bilangan haiwan yang akan disembelih bagi sesuatu tempoh yang dinyatakan, dan ramalan itu hendaklah dalam apa-apa bentuk yang ditentukan oleh Ketua Pengarah dari semasa ke semasa; dan
  - (ii) rancangan-rancangan pembangunan masa depan berhubungan dengan apa-apa perkhidmatan atau kemudahan yang mesti diadakan olehnya di bawah syaratsyarat lesen.

(2) Ketua Pengarah boleh menghendaki seseorang pengendali berlesen untuk mengemukakan apa-apa maklumat lanjut atau tambahan sebagaimana yang difikirkannya perlu sama ada dengan cara penjelasan, penghuraian atau selainnya berkenaan dengan apa-apa laporan atau maklumat yang dimajukan oleh pengendali berlesen itu di bawah subseksyen (1) dan maklumat itu hendaklah dikemukakan dalam apa-apa tempoh dan mengikut apa-apa cara yang dikehendaki oleh Ketua Pengarah.

## **BAHAGIAN IV - CAJ DAN FEE**

### **Section 8. Kuasa pengendali berlesen untuk memungut caj dan fee**

Walau apa pun peruntukan Akta ini atau Akta Prosedur Kewangan 1957[*Akta 61.*], semua caj dan fee yang ditetapkan di bawah kaedah-kaedah yang dibuat menurut perenggan 11 (2) (*f*) bagi mengadakan perkhidmatan-perkhidmatan rumah penyembelihan hendaklah dipungut oleh dan menjadi sebahagian daripada pendapatan pengendali berlesen.

### **Section 9. Pengemukaan memorandum bagi perubahan pada caj dan fee yang sedia ada**



(1) Seseorang pengendali berlesen boleh mengemukakan kepada Menteri bagi kelulusannya suatu memorandum yang mengandungi cadangan-cadangan bagi apa-apa perubahan pada caj dan fee yang sedia ada yang ditetapkan di bawah perenggan 11 (2) (f).

(2) Menteri hendaklah menimbang memorandum yang dikemukakan itu dalam masa enam bulan dari pengemukaannya.

(3) Menteri boleh-

(a) meluluskan memorandum itu tertakluk kepada apa-apa ubahsuaian kepada cadangan-cadangan yang terkandung dalam memorandum itu sebagaimana yang difikirkannya layak dan patut;

(b) menolak memorandum itu.

(4) Jika Menteri menolak memorandum itu, pengendali berlesen itu boleh, jika terdapat perubahan dalam hal keadaan berhubungan dengan cadangan dalam memorandum itu, memohon kepada Menteri untuk suatu kajian semula:

Dengan syarat bahawa permohonan untuk kajian semula itu hendaklah dibuat sebelum tamatnya tempoh tiga puluh hari dari tarikh notis penolakan memorandum itu.

(5) Menteri hendaklah menimbang permohonan untuk kajian semula dalam masa tiga bulan dari pengemukaannya.

### **Section 10. Menteri hendaklah membuat pindaan kepada kaedah-kaedah berkenaan dengan perubahan pada caj dan fee**

Jika Menteri meluluskan sesuatu memorandum, dengan atau tanpa apa-apa ubahsuaian, dia hendaklah, dengan seberapa segera yang praktik, membuat pindaan-pindaan yang perlu kepada kaedah-kaedah yang dibuat menurut perenggan 11 (2) (f) berkenaan dengan perubahan pada caj dan fee yang sedia ada.

## **BAHAGIAN V - KAEDAH-KAEDAH, PENALTI AM, KESALAHAN OLEH PERTUBUHAN PERBADANAN DAN PENJALANAN PENDAKWAAN**

### **Section 11. Kaedah-kaedah**

(1) Menteri boleh, dari semasa ke semasa, membuat apa-apa kaedah sebagaimana yang perlu atau suaimanfaat bagi melaksanakan atau mencapai tujuantujuan dan maksud-maksud Akta ini.

(2) Tanpa menjejaskan keluasan subseksyen (1), kaedah-kaedah boleh dibuat-

- (a) untuk mengadakan peruntukan bagi kawalan oleh Ketua Pengarah tentang apa-apa projek yang dijalankan oleh seseorang pengendali berlesen untuk memajukan dan membangunkan kemudahan-kemudahan dan perkhidmatan-perkhidmatan di mana-mana rumah penyembelihan;
- (b) untuk mengadakan peruntukan bagi reka bentuk dan spesifikasi rumah-rumah penyembelihan yang baru;
- (c) untuk mengawalselia penggunaan selamat rumah-rumah penyembelihan dan premis yang di bawah kawalan seseorang pengendali berlesen;
- (d) untuk mengadakan peruntukan bagi kebersihan rumah-rumah penyembelihan dan premis dalam kawasan rumah-rumah penyembelihan, dan untuk mencegah pencemaran kawasan sekeliling;
- (e) untuk mengadakan peruntukan bagi keselamatan orang-orang yang bekerja dalam sesuatu rumah penyembelihan;
- (f) untuk menetapkan apa-apa fee atau caj sebagaimana yang perlu bagi maksud-maksud Akta ini;
- (g) untuk memastikan kawasan yang sepatutnya ke atas penyembelihan haiwan; dan
- (h) secara amnya untuk memberi kuasa kepada peruntukan-peruntukan Akta ini.

## **Section 12. Penalti am**

Mana-mana pengendali berlesen yang melanggar atau gagal mematuhi apa-apa syarat lesen atau mana-mana peruntukan Akta ini atau mana-mana kaedah yang dibuat di bawahnya yang baginya tiada penalti diperuntukkan secara nyata adalah melakukan suatu kesalahan dan, apabila disabitkan, boleh didenda tidak melebihi lima puluh ribu ringgit atau dipenjarakan selama tempoh tidak melebihi lima tahun atau keduanya.

## **Section 13. Kesalahan dilakukan oleh pertubuhan perbadanan**

Jika sesuatu kesalahan di bawah Akta ini atau di bawah mana-mana kaedah yang dibuat di bawahnya telah dilakukan oleh sesuatu pertubuhan perbadanan (sama ada pertubuhan perbadanan itu telah didakwa atau tidak), tiap-tiap pengarah, setiausaha atau pengurus pertubuhan perbadanan itu hendaklah disifatkan bersalah atas kesalahan itu melakukan jika dia membuktikan bahawa kesalahan itu telah dilakukan tanpa persetujuan atau pembiarannya dan bahawa dia telah menjalankan segala

usaha wajar untuk menghalang pelakuan kesalahan itu sebagaimana yang patut dijalankan olehnya memandangkan jenis fungsifungsinya atas sifat itu dan kepada segala hal keadaan kes itu.

#### **Section 14. Penjalanan pendakwaan**

Pendakwaan-pendakwaan berkenaan dengan kesalahan-kesalahan yang dilakukan di bawah Akta ini atau apa-apa kaedah yang dibuat di bawahnya boleh dijalankan oleh Ketua Pengarah atau mana-mana pegawai atau pengkhidmat Kerajaan yang diberikuasa secara khusus bagi maksud itu oleh Ketua Pengarah.

### **BAHAGIAN VI - PELBAGAI**

#### **Section 15. Kuasa-kuasa, fungsi-fungsi dan tugas-tugas Ketua Pengarah**

(1) Ketua Pengarah hendaklah, sebagai tambahan kepada kuasa-kuasa yang diberikan dan fungsi-fungsi dan tugas-tugas yang dikenakan ke atasnya oleh mana-mana undang-undang bertulis, menjalankan fungsi-fungsi pengawalseliaan berkenaan dengan pengadaan perkhidmatan-perkhidmatan rumah penyembelihan dan pengurusan kemudahan-kemudahan rumah penyembelihan oleh seseorang pengendali berlesen.

(2) Ketua Pengarah hendaklah, dengan kelulusan Menteri, melalui kaedah-kaedah, menetapkan apa-apa standard prestasi mengenai pengadaan perkhidmatan-perkhidmatan rumah penyembelihan yang, pada pendapatnya, patut dicapai oleh seseorang pengendali berlesen.

#### **Section 16. Kuasa pemeriksaan Ketua Pengarah**

Ketua Pengarah dan mana-mana pegawai yang diberikuasa dengan sewajarnya olehnya secara bertulis boleh, bagi maksud-maksud Akta ini atau mana-mana kaedah yang dibuat di bawahnya, memasuki mana-mana premis yang diduduki oleh seseorang pengendali berlesen untuk meneliti dan memeriksa keadaan premis itu atau mana-mana bangunan atau kemudahan di dalamnya.

#### **Section 17. Kuasa-kuasa khas semasa darurat**

(1) Yang di-Pertuan Agong boleh, apabila berlakunya apa-apa wabak penyakit, kekacauan perindustrian, mogok, sekat-makuk atau apa-apa kejadiari lain yang menimbulkan keadaan darurat, atau demi kepentingan keselamatan awam, memberikuasa Menteri untuk-

- (a) menggantung lesen seseorang pengendali berlesen dan mengambil milik sementara manamana rumah penyembelihan seseorang pengendali berlesen;
- (b) menarik balik sama ada sebahagian atau keseluruhan penggunaan mana-mana perkhidmatan atau kemudahan rumah penyembelihan daripada mana-mana orang atau golongan orang atau daripada orang awam pada umumnya.

(2) Yang di-Pertuan Agong boleh juga memberikuasa Menteri atau mana-mana pegawai lain yang bekerja dengan Kerajaan untuk mengendalikan rumah penyembelihan yang diambil milik di bawah perenggan (1) (a).

(3) Pengendali berlesen hendaklah memberi segala bantuan yang perlu apabila dikehendaki berbuat demikian oleh Menteri atau mana-mana pegawai yang diberikuasa untuk mengendalikan rumah penyembelihan di bawah subseksyen (2).

(4) Jika apa-apa keraguan berbangkit tentang kewujudan sesuatu darurat atau sama ada apa-apa tindakan yang dibuat di bawah subseksyen (1) adalah demi kepentingan kesel'amatan awam, maka suatu perakuan yang ditandatangani oleh Yang di-Pertuan Agong dan dipamerkan di mana-mana tempat sebagaimana yang difikirkan patut oleh Menteri hendaklah menjadi bukti muktamad mengenainya.

(5) Jika Kerajaan mengambil milik mana-mana rumah penyembelihan di bawah perenggan (1) (a) pengendali berlesen itu hendaklah dibayar pampasan mencukupi yang hendaklah ditentukan oleh Ketua Pengarah selepas memberikan pengendali berlesen itu peluang untuk didengar atas perkara itu.

(6) Mana-mana pengendali berlesen yang tidak berpuas hati dengan penentuan atau keputusan Ketua Pengarah boleh merayu kepada Menteri terhadap penentuan atau keputusan itu.

## **Section 18. Penyampaian notis**

(1) Apa-apa notis yang dikehendaki disampaikan kepada seseorang pengendali berlesen di bawah Akta ini hendaklah disampaikan-

- (a) dengan menghantARSERahkan notis itu kepada pengendali berlesen itu sendiri; atau
- (b) dengan mengeposkan notis itu melalui pos berdaftar yang dialamatkan kepada pengendali berlesen itu.

(2) Jika sesuatu notis telah diposkan mengikut perenggan (1) (b), notis itu hendaklah disifatkan telah disampaikan kepada pengendali berlesen itu apabila habisnya tempoh satu minggu dari tarikh notis itu diposkan.

## **Section 19. Pengesahan**

Apa-apa fee yang dipungut dan dipegangsimpan oleh mana-mana orang berkenaan dengan pengendalian mana-mana rumah penyembelihan menurut apa-apa perjanjian, pajakan atau penyewaan yang telah dibuat sebelum tarikh mula berkuatkuasanya Akta ini di antara Kerajaan Malaysia dan orang itu adalah dengan ini disahkan dan disifatkan telah dipungut dan dipegangsimpan dengan sahnya oleh orang itu.

## **Section 20. Orang-orang disifatkan sebagai pemegang-pemegang lesen**

(1) Mana-mana orang yang telah membuat yang perjanjian, pajakan atau penyewaan dengan Kerajaan Malaysia berkenaan dengan pengendalian sesuatu rumah penyembelihan, yang sedang berkuatkuasa pada tarikh mula berkuatkuasanya Akta ini, hendaklah disifatkan sebagai pemegang lesen di bawah Akta ini.

(2) Menteri hendaklah, am masa enam puluh hari dari mula berkuatkuasanya Akta ini, mengeluarkan kepada pemegang lesen di bawah subseksyen (1) suatu lesen yang hendaklah-

- (a) sah bagi suatu tempoh yang tidak kurang daripada tempoh yang tinggal di bawah perjanjian, pajakan atau penyewaan; dan
- (b) mengandungi terma-terma dan syarat-syarat yang tidak kurang baiknya daripada yang diperuntukkan dalam perjanjian, pajakan atau penyewaan,

yang telah dibuat di antara pihak-pihak itu.

---

### **JADUAL**

(Seksyen 2)

Lembu/Kerbau

Kambing/Biri-biri

Babi/Babi Betina

---